

استشفا

۱۱ تشرین اول ۱۳۲۴

جمعه ابرنی

نومرو ۶

آرامگزیندر . فیضینک یمن امامی حمیدالدینہ کوندر دیککی مکتوب اک صوکنجی .
فضاحتیدر ، شناعتیدر . بومکتوبده فیضی قانون اساسی نک ینده عدم نشر
وترویجی یولنده هزینلر ایتشدرد . اون کون اولنه قدر حجازدن النان خبرلر اوقطعه
مبارکک آسایشی خصوصنده موجب اطمینان دکلدی .

انقلابک هر طرفده آثار و نتائج حسنه کوسترمسی ، لایقابه یرلشمسی
زمانه و آسایش خارجینک محفل بولنماسنه توقف ایدر اولدینی ایچوندردک ۹۳
عکس عملنده متنبه اولان افکار عمومیه عثمانیه حرب طرفداری بولمئور ،
محافظه حقوقزه وسائط مصلحانه ایله صوکه درجه یه قدر توسل ایدلمسنی ایستئور .
فقط حرب اقتصادی ملتزم و بردوام . آوستریا و اپورلری ینه بوراده ، سالنیکده ،
بیروتده ، الح . یولیسز ، اشیا سز دونیورلر . آوستریالیلره عائد یاخود آوستریا
امتعسی صانان دکانلرده آلیش و یریش اولمئور . بوی قوتاز بزدن انکلتزیه ده
سرایت ایتمش و اخیراً اسقوجیاده آوستریالی تجار علیهنه نمایشلر وقوع بولشدرد .
یالکزی یافده وقوعه کلن برحادثه بی قیدتأسفله بیان ایدرز . آوستریا پوسته خانه سنه
و آوستریا پوسته سیله کلن اشیا بی نقل ایدن عربیه تجاوز ایدلمش که بوندن مناسبتسز
وسیاسه مضر برشی اولاماز . حرب اقتصادی بویله تجاوز آله اولماز . بویولده وقائعک
تکرری سفیرک شکایتیله و شکایتی دیگلمکله تمیوب مداخله بی دعوت ایدرو بومداخله
مشروع اولور . یافه حادثه سنک متفرد اولمسی و دیگر جهتلرده حرب اقتصادیکنک
پک کوزل اکلاشیلوب حسن تطبیق ایدلمکده بولنمسی شایان تشکر در .

ابن الضیا

اجال خارجی

روسیه خارجییه ناظرینک لوندردده سیراد وارغره ی ایله اجرا ایلدیکی مذاکرات
نهایت الامر اختلافات متحده نک حل یر قونفرانس عقیدینه وابسته بولندیفتک .

هرایکی طرفه تسلیم ایدلسی ایله نتیجه لندی. دولترک صمیمی بر حب مسالمت الجاسندن زیاده بر حرب قورقوسی ایله بویله بر جاره تالینی ترجیح ایده جکلری ذاتاً محسوس وچکن هفته کی اجمالزده مذکور بولنق حبسیله قونفرانس قراری بزم ایچون نوظهور بروقه صایله مز. بناء علیه الیوم یالکر بوقرارک اول امرده فصل تجلی ایتدیکندن ومذاکره او طه سندن چیقار چیقمز فصل تلقی ایدلیدیکندن بحث ایده جکر. معلوم اولدینی اوزره مملکتیز بیوک بر شمندوفر مقاصی کی بک چوق منافع دولیه سیاسی و اقتصادیه نک نقطه تلاقیسی بولندینی ایچون دولتر بر مصادمه وقوعه میدان بر اقامق امیله قونفرانس پروغرامی ممکن مرتبه تحدید ایتک، ساده لشدیرمک لزومنی حس ایتشلدی. بو ساده پروغرامه انتظار ایدلمکده ایکن اورته یه طقوز ماده یی محتوی اولیله بر لایحه چیقہ کلدی که پروغرامی ساده دکل، قیمه لی، پتیرلیدن دها قاریشیق بر شیشه بکر تمامک قابل دکلدی. بلغارستانک استقلالی، بوسنه وهرسکک آوستریایه، کریدک یونانستانه الحاقی تصدیق وتأید ایدلدکدن بشقه صربستان ایله قره طاغه تعویضات مناسبه ارانه ایدیه جکی ده علاوه اولونیوردی. دها اون کون اول بالجله دولترک امضایله موشح بر معاهده نامه نک منفرداً نقض احکامنه مساع کوستریله میه جکی نداسی عیوقه چبقارلمقده ایکن بر دوبره بو عهد شکنلکلرک تصدیقی جهته کیدیلدورمسی هرکی شاشیرندی. فرنک بسالریسک قیمتی بسبتون کوزمزدن دوشوردی. فصل دوشورمسون که قونفرانسک مقصود اجتماعی حقوقزه ایدیلان تعدیاتک تلافیسی اوله جق یرده بو تعدیات تصدیق ایدیه جک، فضلله اوله رق هیچ بر ضرره اوغرامامش اولانره بزم ضرر مرزه تعویضات ارانه اوله جق ایدی. الحاصل لایحه مندرجاتی هم حقسنز، وهمده منطقسز ایدی. مثلاً کریدک الحاقی کیفیتده افکار عمومییه نظر اعتباره آلیورده بوسنه وهرسکک تمایلاتی، صربستان وقره طاغک انفعالاتی استخفاف ایدلمش اولیور، صکرده بو ایکی قومی صوصدرمق ایچون اوکرینه ممالک عثمانیه دن برپارچه آتمق مراد اولونیوردی... دولت عثمانیه ایسه بلغارستانک تمهدات مالییه سی، کندیلکلرندن ساقط اوله جق بعض احکامک،

وعهود عتیقه ایله اجنبی پوسته لرینک لغوی احتمالاتی ایله آووتیله جقدی !
 افکار عمومی عثمانیه اوزرنده بحق بر تأثیر الیم حاصل ایتش اولان
 بولایحه نك نثری عقینده بلغارستان ایله یونانستانك ممالك غریبه ده کی مأمورلری
 حکومتلرینک مقررات واقعه دن ممنونیتلرینی بیانه مسارعت ایتدیله رسده ارده دن
 بر کون یکمه دن موسیو ایزوولسکی بو نشریاتك نقصان وغیر صحیح اولدیغنی
 بیان ایتدیکی کبی «دهیلی تلغراف» نام انکلیز جریده معتبره سی ده مصدری انکلتزه
 خارجیه نظارتی اولان آتیده کی معلومات رسمیه یی اعلان ایلمشدر :

«موسیو ایزوولسکی ایله سیر ادوارد غره ی ارسنده ایدیلان تعاطی افکار
 اخیراً شرقده تگون ایدن وقوعاتك حصوله کتیردیکی حال وموقعه قارشو نه یا بلقم
 لازم کله جکی امرنده ایتلاف تام ایله نتیجه نیشدر .

«قونفرانسك لزوم انعقادنده اتحاد افکار حاصل اولوب شوقدرکه بین الملل
 معاهداته رعایت وجوبنك تأییدنده موفق اولمقی ونقض عهد یوزندن ضرریده
 اولانلر تضمین ایدلك ایچون بویه بر قونفرانسك تحدید مقاصدی و برلین
 معاهده نامه سنك اخیراً اخلال اولمسندن متولد مسائلی مذاکره ایتکله اکتفا
 ایلمسی ایجاب ایدر .

«قونفرانسك موضوع بحث ایده جکی مسأله لره کلتجه ، برنجیسی ترکیانك
 تضمینی درکه بو خصوصده بین الدول صورت عمومی ده ایتلاف حاصل اولمش
 کورونیور دولت علیه ده اصول اداره حاضره بقای صلح ایچون الك ائی ضمان
 اولدیغندن بونك بالفعل تقویه سی اسبابنك استحصائه معطوف تدایره توسل
 ایدیه جکدر .

«ترکیانك ضررینی منتیج اولماق اوزره بالقان حکومت صغیره سنك معقول
 ارزولرینی یرینه کتیره جک چاره لره تحریسی تمی اولنور .
 «هرنه قدر کرید مسأله سی اول امرده ترکیا ایله دول حامیه اربعه ارسنده
 مذاکره ایدیه جک برمسأله ایه ده بونك موجب خشنودی اوله جق برصورتده
 تذکری مأمولدر .

«سرداوانان مطالعات معتدل، معقول و بی طرفانه اولدینی جهتله کندیلرله
تعاطی افکار اقتضا ایدن برلین معاهده نامه سی مخضیرلی دولتله شایان توصیه در .
» بوغازلر مسأله سنک قونفرانسده موضوع مذاکره ایدلسی مصمم دکلدر .
بو مسأله ده اول بولر روسیه ایله دولت علیه علاقه دار اولوب روسیه قونفرانسه
بر بی طرف دولت صفتنده داخل اوله جفندن بو مسأله بی دولت عثمانیه یه خصوصتی
متضمن بر صورتده حل ایتمک وشونی کندوسنجه تضمین عدا یلمک ییتنده دکلدر .
بو نشر یادن بر کون صکرده ده «ده یلی مه یل» غزه سی «اقدام» غزه سی
مدیرینه بک واضح بر تلغراف نامه کوندره رک آرانسلر طرفندن قونفرانس
پروغرامنه دأر نشر ایدیلان حوادثک غیر تحیح ایدوکنی ، ترکیانک تمامیت
ملکیه سی و مشروطیت اداره سی خللدار ایده بیله جک هیچ برشی قبوله موافقت
ایتمامک انکلتزه نک صورت قطعی ده قرار ویردیکنی ، بوغازلر مسئله سنک روسیه ایله
متفقاً بر طرف ایدلیدیکنی و کریدکده موقع بحثه قونلمیه جفنی ، و الحاصل دولت
عثمانیه نک مظهر تصویب اولمدیجه انکلتزه هیچ بر تکلیفی قبول ایتیه جکی کبی
دولت عثمانیه علیه هر کونا تضییقاته قارشو قطعاً مقاومت ایلیه جکی بک قطعی
و غایت مخادنکارانه بر لسان ایله بیلدرمشدر .

موسیو ایزوولسکینک رده سی ایله «ده یلی تلغراف» غزه سنک نشریات
رسمیه سی ، ورفیق «ده یلی مه یل» کده اشعارات آنغه سی نظر دفته آلورسه ق
قونفرانس حقنده کی استطلاعات بر هفته اولکی مرکز و مرتبه یه رجوع ایلر .
شو فرق ایله که اقدیجه پروغرامک منافع دولت عثمانیه یه مغایر بعض مواد ی حاوی
اوله بیله جکی وارد خاطر اوله بیلورکن الیوم بویه بر اندیشه یه محل قالمش ،
اذهان عمومی عثمانیه ده زیاده کسب اطمینان ایلمشدر . واقعا اورته ده هنوز
بر قرار قطعی یوق . ایزوولسکی تکرار یار سه کلدی و بورادن برلینه کیتدی فقط الویررکه
افکار عمومی عثمانیه بی استمزاج ، تعبیر عامیانه ایله ، اسقاندیل ایتمک قیلندن
اوله رق تضیع و اشاعه ایدیلان پروغرام همان بالجه دولتله نزدیکده مظهر تصویب

اولماتش ، بتون مطبوعات جدیدہ نك اعتراضات شدیدہ سنہ هدف اولمشدر . انكلتړہ نك نقطه نظری اقب الیاب نشریادن نمایاندر . فرانسزلر دخی عینی فکړده اولدقلمربی انكلتړہ روسیہ و فرانسه آره سنده کی استلاف تامی درمیان ایدرك اظهار ایتدیلر . المانیہ به كلنجہ دولت مشارالہا بر طرفدن اوستریا حقندہ کی ودومخاندتی تبیین و اعلان ایدیور ، دیکر طرفدن ده دولت علیه حقندہ کی مسلك قدیم خالصانه سنده پاړ جای ثبات اولدیغنی امپراطورك بیاناتی ایلہ اعلام ایلور . المان مطبوعاتی ایسه بو قدرله قالمیوب دولت عثمانیہ دن غیری هیچ بر دولتک تلافی مافات طلبنده بولمغه حتی اولدیغنی ، حکومت صغیرہ نك بو یولده مطالبه قیام ایتلرندن اورویانك مسئول بولندیغنی ، و بو حالہ نہایت ویرمك لازمكلیدیکنی پك درشت بر لسان ایلہ بیان ایتمکده ایسه ده بو لسان شدتک ، مسئلہ تعویضك اوجی اوستریایہ . اوستریانك دها شمیدین ملك صربیخی عدا ایتمک باشلادیغنی بوسنه و هر سکه طوقونه جفی احتمالنندن منبعث و اوستریانك اعتراضاتی تأیید معطوف بولندیغنی استدلال ایدلمسنہ نظراً آلمانیا حکومتی دولت علیه حقندہ کی دوستلغنی قناعت بخش و قطعی بر صورتده ابراز و اثبات ایتدکجه مسلك منفعتپرستانہ وریاکارانه سنہ متعلق افکار و مطالعاتمزی دکشدره میه جکړ . هر حالده اوستریا و آلمانیدن ماعدا بتون اورویا افکار عمومیه سی حکومت صغیرہ نك مدعیاتی علیهنده ، و حقوق عثمانیہ نك محافظه سی لهنده کورندیکی جهتله قونفرانسدن اهنون شرائط ایلہ حقیقه جغمز امید کی کوندن کونه کسب تقویت ایتمکده در . بو امیدلرك اساسسز اولدقلمربی دلائل موجوده ساره دن ماعدا بلغارستانك دولت علیه ایلہ طوغریدن طوغری به پیدای استلافه بر میل مخصوص کوسترمکده اولمسندن ده استدلال ایتمکده تر . مع هذا دولتک بو صورتله تألیف بینہ رغبت ایدہ چکی یکده مأمول بولندیغنی کبی انكلتړہ سفیری سرلاوتورکده بو یولده بر زمین استلاف ارا تمامسنی باب عالی به توصیه ایلدیکی غزته ره عادتاً بر صورت رسمیه ده تبلیغ اولمشدر .

تفصیلات مشروحه ایلہ قونفرانس فکرینك بو کونه قدر کچیردیکی ادوار و صفحاتی ایضاح ایتش اولدق . بو تفصیلات قونفرانس پروگرامنك هنوز

دردست تذکر بولندیغنی تبینه کافی بولمغله اطناب زاندر .
 شمیدی بومذاکرات اطرافنده جریان ایدن احواله برکوز کردیرم :
 روس غزتهاری خارجیہ ناظرینک طور وحرکتندن ذرهجه خشنود دکل .
 موسیو ایزوولسکینک « نرنتال چاپقینی طرفندن اغفال ایدلش برالحق اولدیغنی »
 لازمه نزاکته هیچده یاقیشمه حق الفاظ غلیظه ایله بیان ، وبوغازلر مسئله سی کی
 قبل الوقوع عقیق قالدیجی برتشبنده بولنه حق یرده جنوبی اسلاولری کوزتمی
 لازمکه جکی آتیان ایتدیلر . فقط بومؤاخذات یالکز موسیو ایزوولسکی به منحصر
 قلمدی . اوستریانک مسلکی پک ریاکارانه اولدیغنی ده عینی شدت لسان ایله موضوع
 بحث اولدی . روسلرک بوافعالی شبهه سزدرکه اوستریانک بلغارستانی کندی
 طرفته جلب ایدرک روسیه نیک کسرفوؤزینه جالشدیغنی بولنده کی توهملردن منبعثدر .
 بوافعالک الیوم بر تاثیر اجرا ایدوب ایتدیکی حقنده بر مطالعه بیاننه قالدقششق
 پک بیوک اثر استعجال اولورسه ده اوستریا غزته لرنیک ایری حروفات ایله ایکنجی
 براتفاق مثلندن بحث ایتلرینه باقیلورسه روسیه خارجیہ ناظرینک روسیه -
 انکلتزه - فرانسه آره سنده موجود اولان اتلافی تأیید ونشیدیه و اوستریایه
 بویوزدن اظهار افعاله برقاندھاغیرت ایتکده اولدیغنی استشمام اولونیور . هر حالده
 روسیه و اوستریا مناسباتی شمیدی براز شکر رنگدر . صربیلرله قره طاغیلرک
 حتی اوستریایه قارشو متحداً بر حرکت خصمانه اجراسنی تصمیم ایتدکلیری یوانده
 برطاقم روایات دورانه میدان آچه حق درجه لرده بغض و تهور کوسترملری ،
 وبعض دوراندیشان سیاسیه نیک بوسنه وهرسکده اسلاولر یوزندن اوستریانک باشنه
 برطاقم غائله لر آچلمسی احتمالنندن بجنه کیرشملری ده داخل حساب ایدیولورسه
 اوستریانک یالکز المان دوستلغی ایله تسلی یاب اوله بیله جک بر موقعده بولندیغنی
 ظاهر اولور . معافیہ آتی کشف اولنه مز . بویکی احوالده اختیار نائی ایتک
 اسلم طریقدر .